

Зубайр ибн Аввом розияллоҳу анҳунинг ҳаёт йўллари



09:00 / 16.07.2023 2596

(учинчи мақола)

Зубайр ибн Аввом розияллоҳу анҳу Пайғамбар соллаллоҳу алайҳи васаллам билан бирга барча жанглarda ихлос билан иштирок этиб, ўзларининг фидокорликлари, жасоратлари, баҳодирликлари билан Ислom тарихининг заррин саҳифаларига номларини олтин ҳарфлар ила битдилар.

Зубайр ибн Аввом розияллоҳу анҳу инсоният тарихидаги ҳал қилувчи жанглardan бири бўлган, унда иштирок этган мусулмонларга Аллоҳ таоло томонидан улкан марҳаматлар қатори, жаннат ваъда қилинган Бадр жангида ҳам жонбозлик кўрсатдилар.

Расулulloҳ соллаллоҳу алайҳи васаллам 2-ҳижрий сана, Рамазоннинг ўн еттинчи куни, Жума кечаси хуфтон пайтида Бадрнинг қуйи томонига келиб тушдилар.

Вазият жуда оғир эди. Мусулмонлар ҳали ўз тарихларида душман билан юзма-юз бўлмаган эдилар. Бунинг устига, ўша жангда мусулмонларнинг сони мушрикларникидан уч марта кам эди. Барчаси етмаганидек, сув танқислиги вужудга келди. Шунда Расулulloҳ соллаллоҳу алайҳи васаллам энг чапдаст ва уддабурон саҳобалардан танлаб, сув олиб келишга юборишга қарор қилдилар. У зот Али, Зубайр, Саъд ибн Абу Ваққос ва Басбас ибн Амр розияллоҳу анҳумни ана шу ишга буюрдилар. Ана шундай таҳликали пайтда Набий соллаллоҳу алайҳи васалламнинг ихтиёрлари тушган бу кишилар улкан саодат эгалари эдилар. Улар Пайғамбар соллаллоҳу алайҳи васалламнинг ишончларини шараф билан оқлаб, мусулмонларни сув билан таъминладилар.

Эртаси куни мусулмонлар билан мушриклар ўртасида ҳаёт-мамот жанги бошланди. Зубайр ибн Аввом розияллоҳу анҳу учқур отларини миниб, сариқ салла ўраб, жангга отилдилар. У киши Қурайшнинг бошлиқларини кўзлаб, от сураб эдилар. Тарихчиларнинг таъкидлашларича, ўша жаҳон тарихидаги машҳур кунлардан бири бўлган кунда Зубайр ибн Аввом розияллоҳу анҳу Қурайш бошлиқларидан Убайда ибн Саъийд ибн Осс ва Навфал ибн Хувайлид ибн Асадларни қатл этганлар. Зубайр ибн Аввомнинг ўзлари эса икки жойларидан қаттиқ яраланганлар.

Тарихчиларнинг таъкидлашларича, Бадр жанги куни Зубайр ибн Аввомни икромлаш учун мусулмонларга ёрдамга тушган фаришталар у кишига ўхшатиб, сариқ салла ўраб тушганлар.

Бу ҳақда Ибн Саъд раҳматуллоҳи алайҳи «Табақоти Кубро» китобларида Ҳишом ибн Урвадан, у отасидан қуйидагиларни ривоят қиладилар:

«Бадр куни Зубайрнинг ўраб олган салласи сариқ рангда эди. Бас, Набий соллаллоҳу алайҳи васаллам:

«Фаришталар Зубайрнинг сиймосида тушдилар», дедилар».

Бу маънони Зубайр ибн Аввом розияллоху анхунинг чеваралари Омир ибн Солих ибн Абдуллох ибн Зубайр фахр ила байтга солганлар:

Бобом Набийнинг аммасин ўғлидир.

Бало пайти чавандози ва вазиридир.

Бадр куни биринчи ботир бўлгандир.

Жангга ул сариқ салла ила киргандир.

Нусрат фариштаси сиймосида тушгандир.

«Ҳадис ва ҳаёт» китобининг 23-жузидан олинди

Ушбу китоб Ўзбекистон Республикаси Вазирлар Маҳкамаси ҳузуридаги Дин ишлари бўйича қўмитанинг 2021 йил 24 августдаги 03-07/5165 рақамли хулосаси асосида чоп этилган.